



Broj: 02-04-63/22-AP-3
Datum: 20.01.2022. godine

OPĆINSKO VIJEĆE ZAVIDOVIĆI
n/r PREDSDJEDAVAJUĆOJ OPĆINSKOG VIJEĆA
mr. iur. Erna Merdić Smailhodžić

PREDMET: Odgovori na vijećnička pitanja sa 12. sjednice Općinskog vijeća Zavidovići održane 29.12.2022. godine, dostavljaju se

Povodom vijećničkih pitanja postavljenih na 12. sjednice Općinskog vijeća Zavidovići održanoj 29.12.2022. godine, dostavljamo odgovore na iste kako slijedi:

1. VIJEĆNIČKO PITANJE VIJEĆNIKA HAMDE DŽINIĆ

Vijećnik Hamdo Džinić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje koje se tiče potrebe informisanja o poduzetim aktivnostima u saradnji i koordinaciji sa Kantonalnom direkcijom za ceste a u vezi sanacije klizišta na regionalnoj cesti R466 Zavidovići-Kamenica-Ponijeri.

Obrazloženje vijećničkog pitanja:

Skoro 3 godine učesnici saobraćaja na regionalnom putu R466 na putnom pravcu Zavidovići-Kamenica-Ponijeri svakodnevno su potencijalna žrtva saobraćajne nesreće kao uzrok suženja kolovozne trake izazvane odronom dijela regionalne ceste na dionici putnog pravca između naseljenih mjesta 5 i 6 kilometar.

Klizište i odron jednog dijela kolovozne trake suzio je regionalnu cestu R466 i ugrožava sigurnost učesnika saobraćaja i do danas nije saniran.

Direktno pitanje:

Da li će se konačno poduzeti aktivnosti na sanaciji ovog klizišta, te spriječiti neželjene saobraćajne posljedice za učesnike saobraćaja na ovoj dionici puta? I da li će ova dionica puta Zavidovići-Kamenica konačno biti podvrgnuta potpunoj sanaciji i rekonstrukciji od strane Kantonalne direkcije za ceste i Ministarstva za saobraćaj i komunikacije ZE-DO kantona kada je u pitanju redovno godišnje održavanje regionalnih cesta?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-45-10-9/21 od 20.01.2022. godine): Dana 19.01.2022. godine Vaše pitanje je proslijeđeno u nadležnost Kantonalnoj direkciji za ceste. Po prijemu odgovora isti će vam biti dostavljen.

2. VIJEĆNIČKO PITANJE VIJEĆNIKA ŠEMSUDINA SKEJIĆ

Vijećnik Šemsudin Skejić:

A/UVOD

Moje vijećničko pitanje vezano je za PROJEKAT VODOSNABDIJEVANJA PROSTORNE CJELINE PAŠIN KONAK.

Preciznije rečeno ovo pitanje čini set pitanja čije odgovore očekujem u pisanoj formi.

Analizirajući tekuće općinske kapitalne infrastrukturne projekte, a koji se odnose na:

- vodosnabdijevanje,
- snabdijevanje električnom energijom,
- snabdijevanje toplotnom energijom,
- izgradnju kanalizacione mreže (fekalna i oborinska kanalizacija),
- rekonstrukciju i izgradnju cestovne infrastrukture (ceste i mostovi svih kategorija, kao i druge javne površine i gradske ulice)

zaključio sam da NE POSTOJI PROJEKAT sa tako visokim stepenom prioriteta realizacije kao što je PROJEKAT VODOSNABDIJEVANJA PROSTORNE CJELINE PAŠIN KONAK.

B/SET PITANJA

1. Kada su otpočeli radovi na projektu vodovod Pašin Konak, preciznije rečeno koji je prvi datum uvođenja prvog izvođača u posao?

2. Kolika je bila predračunska vrijednost radova (ukupno i po fazama) na datum početka radova?

3. Kolika je planirana, a kolika stvarna vrijednost izvedenih radova po godinama kalendarski (od 01.01. do 31.12. svake tekuće godine)? Planirana vrijednost odnosi se na plan u budžetima.

4. Kolika je vrijednost ukupno izvedenih radova do 31.12.2021. godine?

5. Kolika je planirana vrijednost izvedenih radova za 2022. godinu?

6. Da li postoji makro dinamički plan završetka projekta?

Ukoliko isti postoji može biti priložen kao odgovor na pitanje br. 6, a ako ne postoji molim da se uradi u primjerenom roku.

C/ CILJ

Stvarni cilj ovog zahtjeva je izrada decidnih odgovora na 6 gore navedenih pitanja.

Samo realan odgovor može omogućiti da dođemo do saznanja o stvarnom stanju realizacije ovog projekta.

Jedino na ovaj način možemo doći do potrebnih podataka za izradu dinamičnog plana završetka projekta.

D/ OBRAZLOŽENJE

1/ ZNAČAJ PROJEKTA

a/ MZ Pašin Konak i dio naselja koji mu gravitiraju je lokalna zajednica unutar naše općine koja ima ubjedljivo najizraženiji nedostatak pitke vode.

b/ Računajući sve mjesne zajednice općine Zavidovići, sve druge lokalne zajednice imaju kakva-takva alternativna rješenja za vodosnabdijevanja, dok se prostorna cjelina, po ovom pitanju nalazi zaista u bezizlaznoj situaciji.

c/ Realizaciju projekta vodosnabdijevanja prostorne cjeline Pašin Konak traje suviše dugo i postoji realna mogućnost da se ne završi u dogledno vrijeme. Ako se ipak završi, ali ne u dogledno vrijeme, onda i ako se završi neće imati željeni efekat jer neće biti dovoljno korisnika.

d/ Ako u kratkom vremenu ne preduzmemo neophodne korake i ne postupimo u skladu sa važnošću ovog projekta doći ćemo u situaciju da dio radova koji su završeni u prvoj godini projekta radimo ponovo prije puštanja u rad sistema, a iz prostog razloga što će im garantni rokovi isteći.

2/ ZAKLJUČCI

Precizni odgovori na postavljena pitanja meni će poslužiti za izradu inicijative koja bi mogla poslužiti za aktiviranje svih sudionika koji mogu doprinijeti završetku projekta.

Odgovor na vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-45-10-9/21 od 20.01.2022. godine):

1. Radovi na realizaciji projekta „Vodosnabdijevanje prostorne cjeline u MZ „Pašin Konak“ počeli su dana 30.01.2020. godine - uvođenje u posao.
2. Predračunska vrijednost radova (ukupno i po fazama), prema tabelarnom prikazu:

FAZA	ZBIRNA REKAPITULACIJA:	
I	<i>Trasa V1 (R1/PS1-R2/PS2)</i>	112095,20
II	<i>Trasa V2 (R2/PS2-R3)</i>	70189,33
III	<i>Trasa V3 (R3-R4/PS3)</i>	230386,35
IV	<i>Trasa V4 (R4/PS3-R5)</i>	71058,72
V	<i>Trasa V5 (R5-R6/PS4)</i>	227858,94
VI	<i>Trasa V6 (R6/PS4-R7)</i>	29508,82
VII	<i>REZERVOAR R1/PS1 V=2x100 m³</i>	213512,04
VIII	<i>REZERVOAR R2/PS2 V=100 m³</i>	133360,36
IX	<i>REZERVOAR R3 V=100 m³</i>	91241,10
X	<i>REZERVOAR R4/PS3 V=50 m³</i>	108420,24
XI	<i>REZERVOAR R5 V=2x100 m³</i>	158860,76
XII	<i>REZERVOAR R6/S4 V=50 m³</i>	95335,32
XIII	<i>REZERVOAR R7 V=50 m³</i>	72195,92
	UKUPNO (I-XIII) KM:	1614023,11

3. Planirana, ugovorena i izvedena vrijednost radova po kalendarskim godinama:

R B	God.	Faza projekta	Planirana vrijednost	Ugovorena vrijednost	Izvedena vrijednost	Izvori finansiranja	
						Budžet Općine	Ostali izvori finansiranja
1.	2019.	R2/PS2	150.000,00	175.499,88 + 34.830,90	175.499,88 + 34.830,90	34.830,90	175.499,88 (Ze-Do kanton)
2.	2020.	R1/PS1	159.858,02	172.712,98	172.712,98	12.816,45	159.858,02 (Ze-Do kanton)
3.	2021.	R4/PS3	185.000,00	201.649,5	201.649,5	16.065,00	185.000,00 (Ze-Do kanton)
4.	2021.	R5	129.431,69	Postupak u toku	/	9.431,69	120.000,00 (Vlada FBiH)

4. Vrijednost ukupno izvednih radova do 31.12.2021. godine je 584.693,26 KM.
5. Planirana vrijednost za realizaciju projekta za 2022. godinu je 134.196,08 KM (100.000,00 Ze-do kanton i 34.196,08 Općina Zavidovići) – faza realizacije – dovršetak rezervoara R5 i dio potisnog voda.
6. Makro dinamički plan ne postoji, jer ne možemo predvidjeti eventualno finansijsko učešće viših nivoa vlasti, kao i ostalih donatora.

3. VIJEĆNIČKA PITANJA VIJEĆNIKA AMERA AVDIČEVIĆ

1. Vijećnik Amer Avdičević: Nisam zadovoljan. Mogu li dopunsko pitanje?

Evo kratko ću. Tražio sam da mi se kroz formu vijećničkog pitanja dostave projekti koji su finansirani i sufinansirani od strane Općine Zavidovići u 2021. godini, naznačeno na području koje Mjesne zajednice su realizovani takvi projekti. Dobio sam odgovor da to ima na web stranici itd. Nisam pitao gdje ima, nego sam tražio da se dostavi Općinskom vijeću.

Odgovor na dopunsko vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-45-10-9/21 od 20.01.2022. godine): Obzirom da tražene podatke nije moguće pripremiti u kratkom vremenskom roku, a Općina Zavidovići nema zadužene državne službenike i namještenike za statističko-analitičke poslove, odgovor na ovo pitanje će biti naknadno dostavljen.

2. Vijećnik Amer Avdičević: Isto tako i za drugo pitanje. Koristeći poslovničku formu sam tražio sve firme odnosno izvođače radova na području općine Zavidovići koji su se finansirali iz Budžeta Općine Zavidovići u protekle dvije godine, naglašeno dostaviti u Općinu u kojoj su navedene firme registrovane. Isto su mi odgovorili i isto kažem, nisam tražio da mi se odgovori gdje se to nalazi nego da se dostavi Općinskom vijeću. Hvala.

Odgovor na dopunsko vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-45-10-9/21 od 20.01.2022. godine): Pregled izvođača radova angažovanih od strane Općine Zavidovići u 2020. godini:

R.br.	Naziv izvođača radova	Općina sjedišta
1	POROBIĆ D.O.O	ZAVIDOVIĆI
2	MGV GRADNJA D.O.O.	ZAVIDOVIĆI
3	GP HELDOVAC D.O.O.	ŽEPČE
4	DOBOJPUTEVI D.D.	DOBOJ JUG
5	DELTAH HM D.O.O.	ZAVIDOVIĆI
6	PD LIPE GRADNJA D.O.O.	ZAVIDOVIĆI
7	ECOINVEST D.O.O	TUZLA
8	EMBAS GRAD D.O.O.	ZAVIDOVIĆI
9	JKP RADNIK D.O.O	ZAVIDOVIĆI
10	DKM GRADNJA D.O.O.	MAGLAJ
11	DIJASPROM D.O.O.	ŽEPČE
12	HAJDIĆ D.O.O.	MAGLAJ
13	IKAN-S D.O.O	ZAVIDOVIĆI
14	G.D. BIŠINA D.O.O	MOSTAR
15	GEO-PUT D.O.O	MAGLAJ
16	BOSLOD D.O.O.	ZAVIDOVIĆI
17	ADING DOMERC D.O.O	BANOVIĆI
18	GRADNJA 1 TEŠANJ D.O.O.	TEŠANJ
19	"OBRT MRKI" VL. FALJIĆ ASIM	ZAVIDOVIĆI

Pregled izvođača radova angažovanih od strane Općine Zavidovići u 2021. godini:

R.br.	Naziv izvođača radova	Općina sjedišta
1	GP HELDOVAC D.O.O.	ŽEPČE
2	POROBIĆ D.O.O	ZAVIDOVIĆI
3	JKP RADNIK D.O.O	ZAVIDOVIĆI
4	HAJDIĆ D.O.O.	MAGLAJ
5	DELTAH HM D.O.O.	ZAVIDOVIĆI
6	META-B D.O.O.	ZAVIDOVIĆI
7	G.D. BIŠINA D.O.O	MOSTAR
8	ERING D.O.O	ŽIVINICE
9	OR "HAKER"	ZAVIDOVIĆI
10	ECOINVEST D.O.O.	TUZLA
11	BN TRANSPORT D.O.O.	ZAVIDOVIĆI
12	DKM GRADNJA D.O.O.	MAGLAJ
13	OR. MUSA	ZAVIDOVIĆI
14	MGV GRADNJA D.O.O.	ZAVIDOVIĆI
15	"OBRT MRKI" VL. FALJIĆ ASIM	ZAVIDOVIĆI
16	GEO-PUT D.O.O	MAGLAJ
17	Kamenorezačka radnja Mujaković Nedim	ŽEPČE

18	KOP I KO D.O.O	ŽIVINICE
19	EURO-EMS D.O.O.	TEŠANJ
20	DOBOJPUTEVI D.D.	DOBOJ JUG
21	IKAN-S D.O.O	ZAVIDOVIĆI
22	KOMGRAD-ZE D.O.O.	ZENICA

3. Vijećnik Amer Avdičević: Zašto nismo dobili na dnevnom redu nijedne sjednice Inicijativu o dodjeli ulice Imamović Edina Strikana? Ona je uložena prije godinu dana, a Poslovnik kaže da treba da se nađe na dnevnom redu sjednice u roku od 30 dana od dana podnošenja. Hvala.

Odgovor na vijećničko pitanje nadležna Služba će dostaviti na narednoj sjednici Općinskog vijeća zbog izolacije sekretara Općinskog vijeća Zavidovići.

4. VIJEĆNIČKA PITANJA VIJEĆNIKA HARISA HODŽIĆ

1. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Tražim informaciju, od strane Stručne službe općinskog vijeća i nadležnih službi da nam dostavi informaciju o rezultatima Javnog poziva za raspodjelu sredstava po transferu ekonomski kod 615117 „Kapitalni transfer mjesnim zajednicama-podrška projektima“ za 2021. godinu?

Direktno pitanje:

Tražimo od nadležne općinske službe da nam dostavi rezultate Javnog poziva za kandidovanje projekata iz oblasti infrastrukture na području općine Zavidovići, koji su se sufinansirali u skladu sa Budžetom općine za 2021. godinu sa pozicije: „Kapitalni transfer mjesnim zajednicama-podrška projektima“ Ekonomski kod 615117.

Odgovor na ovo pitanje treba da sadrži sljedeće informacije: Broja prijave (mjesnih zajednica) na javni poziv, broj projekata, opis projekata i kopije prijavnih obrazaca svake pojedinačne prijave kao i rezultate javnog poziva odnosno prijave mjesnih zajednica koje su u konačnici i podržane ovim javnim pozivom sa naznakom u kojem iznosu je podržan projekat i kada je realizovan (period realizacije).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-45-10-9/21 od 20.01.2022. godine): Rezultati Javnog poziva za kandidovanje projekata iz oblasti infrastrukture na području općine Zavidovići sa pozicije „Kapitalni transferi mjesnim zajednicama - podrška projektima“ su prikazani u sljedećoj tabeli:

RB	DATUM PRIJAVE	NAZIV PODNOSIOCA	NAZIV PROJEKTA	ODOBRENO/NIJE ODOBRENO	IZNOS VLASTITOG UČEŠĆA APLIKANTA
1	01.11.2021	MZ PAŠIN KONAK	ASFALTIRANJE PUT U NASELJENOM MJESTU KULJANI	Nije dostavljena izjava o sufinansiranju i imovinsko-pravnim odnosima	
2	01.11.2021	MZ PAŠIN KONAK	VODOVOD DEDIĆI	Ova vrsta projekata nije predmet javnog poziva	
3	01.11.2021	MZ BREZIK	ASFALTIRANJE PUTA BRAŠLJEVINE-TUNJA	10.000,00 KM	10.700,00 KM
4	01.11.2021	MZ BREZIK	ASFALTIRANJE PUTA MOST-BRAŠLJEVINE-KRAJNJIĆI	Zahtjevani iznosi nesrazmjerni vlastitom učešću u projektu	
5	01.11.2021	MZ KOVAČI	ASFALTIRANJE PUTA STAVCI-HRIDOVI	2.340,00 KM	5.900,00 KM
6	01.11.2021	MZ KOVAČI	SANACIJA PUTA KARALIĆI	5.000,00 KM	5.000,00 KM
7	01.11.2021	MZ KOVAČI	ASFALTIRANJE PUTA STAVCI-MAHOVCI	12.870,00 KM	21.900,00 KM
8	01.11.2021	MZ KOVAČI	ASFALTIRANJE PUTA GORNJI KOVAČI	4.095,00 KM	3.500,00 KM
9	01.11.2021	MZ KOVAČI	ASFALTIRANJE PUTA MUSTAJBAŠIĆI-MOST-KUĆIŠTE	8.200,00 KM	8.000,00
10	01.11.2021	MZ KOVAČI	ASFALTIRANJE PUTA U MJESTU KOVAČI	2.750,00 KM	3.000,00
11	01.01.2021	MZ KOVAČI	ASFALTIRANJE PUTA MUSTAJBAŠIĆI GORNJI	1.800,00 KM	3.000,00
12	01.11.2021	MZ KOVAČI	ASFALTIRANJE PUTA VIKOVIĆI-HERCEGOVIĆI	9.360,00 KM	10.000,00
13	01.11.2021	MZ KOVAČI	ASFALTIRANJE PUTA STAVCI-MARUŠIĆI	3.510,00 KM	8.000,00

14	01.11.2021	MZ KOVAČI	ASFALTIRANJE PUTA D.VIKOVIĆI II FAZA	8.000,00 KM	20.000,00
15	01.11.2021	MZ KOVAČI	ASFALTIRANJE PUTA MUSTAJBASIĆI- POLJA	11.700,00 KM	18.500,00
16	01.11.2021	MZ KOVAČI	ASFALTIRANJE PUTA D.VIKOVIĆI I FAZA	7.000,00 KM	15.500,00
17	02.11.2021	MZ ASIM ČAMDŽIĆ	ASFALTIRANJE POSTOJEG BETONSKOG PUTA U ULICI ČAZIM VIKOVIĆ VIKO	10.000,00 KM	11.000,00
18	02.11.2021	MZ MEĆEVIĆI	ASFALTIRANJE PUTA DONJI GRAB-GORNJI GRAB	Zahtjevani iznosi nesrazmjerni vlastitom učešću u projektu	
19	02.11.2021	MZ RUJNICA	BETONIRANJE ULAZNO- IZLAZNIH ŠAHTI NA PUTU ILIĆI- TRN-ŠABIN POTOK	Ova vrsta projekata nije predmet javnog poziva	
20	02.11.2021	MZ RUJNICA	BETONIRANJE PUTA DONJA BLIZNA	Ova vrsta projekata nije predmet javnog poziva	
21	02.11.2021	MZ RUJNICA	BETONIRANJE PUTA ZA GAJ (GORNJI KAZIĆI)	Ova vrsta projekata nije predmet javnog poziva	
22	02.11.2021	MZ RUJNICA	BETONIRANJE PUTA DUBRAVE- MEDNJIK	Ova vrsta projekata nije predmet javnog poziva	
23	02.11.2021	MZ RUJNICA	BETONIRANJE PUTA PREMA BLIZNOJ	Ova vrsta projekata nije predmet javnog poziva	
24	02.11.2021	MZ RUJNICA	BETONIRANJE PUTA ZAGAJ- MRAMORJE	Ova vrsta projekata nije predmet javnog poziva	
25	05.11.2021	MZ VOZUĆA	ASFALTIRANJE PUTA DIONICA BARA	Nije dostavljena izjava o sufinansiranju i imovinsko-pravnim odnosima	

26	05.11.2021	MZ VOZUĆA	BETONIRANJE PUTA PODOBALA-KRŠ	Ova vrsta projekata nije predmet javnog poziva	
27	05.11.2021	MZ VOZUĆA	BETONIRANJE PUTA HADŽIĆI- TRN	Ova vrsta projekata nije predmet javnog poziva	
28	05.11.2021	MZ PAŠIN KONAK	PUT IMAMOVIĆI	Nije dostavljena izjava o sufinansiranju i imovinsko-pravnim odnosima	
29	05.11.2021	MZ PAŠIN KONAK	PUT PREMA AMBULANTI	Nije dostavljena izjava o sufinansiranju i imovinsko-pravnim odnosima	

2. Vijećnik Haris Hodžić: Na osnovu članova 8. i 87. Poslovnika o radu Općinskog vijeća Zavidovići, kao vijećnik Općinskog vijeća Zavidovići postavljam sljedeće vijećničko pitanje: Zašto još uvijek nije pokrenut tužbeni postupak protiv lica koja osporavaju realizaciju Zaključka Općinskog vijeća br: 01-19-1632/21-AP-6 od 30.07.2021. godine?

Obrazloženje:

Još na 7. redovnoj sjednici Općinskog vijeća Zavidovići održanoj 30.07.2021. godine Općinsko vijeće, zaključkom br: 01-19-1632/21-AP-6, zadužilo je općinskog načelnika i nadležne službe za realizaciju inicijative za dodjelu upražnjene prostorije u sastavu zgrade zvana „Sloga“ u ulici Abdulvehaba Ilhamije b.b. Udruženja roditelja djece sa poteškoćama u razvoju „Mala sirena“ Zavidovići.

Nažalost, po informacijama sa terena i od strane općinskih službi, inicijativa i nakon više od 4 mjeseca nije realizovana.

Direktno pitanje:

Tražimo od nadležne općinske službe i općinskog pravobranioca da nam dostavi informaciju zašto još uvijek nije pokrenut tužbeni postupak protiv lica koja osporavaju i odbijaju predati upražnjenu kancelariju općini Zavidovići i UG Mala sirena?

Uz odgovor dostaviti i informaciju kada se može očekivati pokretanje tužbe i zašto se skoro već 5 mjeseci čeka na ovaj postupak.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

S poštovanjem,

Odgovor na vijećničko pitanje (Odgovor je sačinjen na osnovu akta Općinskog pravobranilaštva Zavidovići, broj: P.22/21 od 18.01.2022. godine): Nadležne općinske službe kao i Općinsko pravobranilaštvo Općine Zavidovići su poduzele pravne radnje u cijju predaje kancelarije broj 5 površine 23,00 m² koja se nalazi u sastavu zgrade zv. „Sloga“, a koja je vlasništvo Općine Zavidovići, jer je nad pravnim licem Zadruga „Malinar“ Rješenjem Općinskog suda u Zenici dana 06.04.2021. godine zaključen likvidacioni postupak. Zahtjev za pokretanje postupka oslobađanja od lica i stvari poslovne prostorije naprijed opisane dostavljen je 01.09.2021. godine Općinskom pravobranilaštvu od Stručne službe općinskog načelnika.

Zajedno sa Zahtjevom za pokretanje postupka oslobađanja od lica i stvari predmetne prostorije dostavljen nam je i Zahtjev za predaju u posjed poslovne prostorije koji je dostavljen od strane Stručne službe općinskog načelnika Imširović Nihadu, likvidatoru zadruge „Malinar“, a datiran je sa 16.08.2021. godine po kojem je Imširović Nihad, likvidator odbio dobrovoljno postupiti. Likvidator je dostavio 27.08.2021 . godine odgovor u kome je naveo razloge zbog kojih odbija poslovnu prostoriju dobrovoljno predati i osloboditi od lica i stvari. I njegov odgovor dostavljamo u prilogu.

Općinski pravobranilac je dana 22.11.2021. godine podnio, a nakon pribavljanja neophodnih materijalnih dokaza, utvrđujući tužbu radi predaje nekretnine u posjed i vlasništvo.

Tužbom su kao pasivno legitimisani označeni 1. „Udruženje građana „Pčelar“ sa sjedištem u ul. „Abdulvehaba Ilhamije“ b.b. Zavidovici i 2. Imširović Nihad sin Alije, Hajderovici b.b. Zavidovići, što dokazujemo Potvrdom o prijemu tužbe u Općinski sud Zavidovići kojoj je dodijeljen CMS broj: 42 0 P 056615 21 P od 22.11.2021. godine. Potvrdu dostavljamo u prilogu. Odgovor na tužbu nam još uvijek nije dostavljen od strane suda. Nakon što nam je dostavljeno vijećničko pitanje gđin. Harisa Hodžića obavljen je još jedan telefonski razgovor sa gđin. Imširović Nihadom sa ciljem iznalaženja mirnog rješenja ovog spora, te smo još jednom apelovali na gđin. Imširovića da bez odlaganja i nepotrebnog stvaranja troškova parničnog postupka oslobodi spornu poslovnu prostoriju. Međutim gđin. Imširović i dalje insistira da se radi o zadružnoj imovini, da zadruga „Malinar“ još uvijek iako je zaključen likvidacioni postupak nije brisana iz sudskog registra.

U svakom slučaju poslovna prostorija - kancelarija broj 5 površine 23 m² u zgradi zv. „Sloga“ nije slobodna od lica i stvari, te naglašavamo da brzinu rješavanja postupka na sudu ne diktira Općinsko pravobranilaštvo, te i nakon što presuda bude donesena i postane pravosnažna i izvršna (bez prejudiciranja ishoda postupka) samo provođenje presude prinudnim putem je takođe poseban sudski postupak, te stoga vrijeme koje je potrebno da bi Zaključak Općinskog vijeća bio realizovan nije moguće sa sigurnošću predvidjeti, kao ni sam ishod postupka po podnesenoj tužbi.

U svakom slučaju sudu će biti dostavljena urgencija kako bi postupak dobio epilog u što kraćem mogućem vremenu.

3. Vijećnik Haris Hodžić: Stručnoj službi Općinskog vijeća tražio sam aktivnosti vijećnika za svih 12 sjednica. I dobili samo bruka materijala, isprintano. Ovo se moglo samo na jednom listu dostaviti i evo molim Stručnu službu da nam ovo sve objedini u jednu tabelu. Ako može bez ovih pluseva da se dole navede broj aktivnosti da mi to ne sabiremo pojedinačno i da se štedi ovaj papir.

Odgovor na dopunsko vijećničko pitanje (Odgovor je sačinjen na osnovu akta Stručne službe Općinskog vijeća, broj: 01-04-120/22-AP-2 od 20.01.2022. godine): Tabelarni pregled aktivnosti vijećnika Općinskog vijeća Zavidovići u periodu od 30.12.2020. godine do 30.11.2021. godine, ukupno.

4. Vijećnik Haris Hodžić: I još jedno pitanje takođe: Realizacija Zaključka radnika PD Krivaja Mobil. Vidim da je evo Stručna služba nekoliko puta slala zahtjev predsjedniku da da odgovor, zašto još uvijek ne saziva sastanke ove komisije? Zahtijevam, evo da se uključi i načelnik i Općinska služba i ako nema odgovora da Općinsko vijeće mijenja predsjednika ove komisije jer ovo ovo je postalo neozbiljno. Toliko.

Odgovor na dopunsko vijećničko pitanje (Odgovor je sačinjen na osnovu akta Stručne službe Općinskog vijeća, broj: 01-04-120/22-AP-3 od 24.01.2022. godine): Kolegij Općinskog vijeća na 15. sjednici održanoj 20.01.2022. godine, pod tačkom Razno, razmatrao je problematiku bivših radnika PD „Krivaja Mobil“ d.o.o. Zavidovići - u stečaju, pa nakon rasprave donio sljedeći Zaključak:

1. Kolegij Općinskog vijeća Zavidovići poziva predsjednika Komisije sa zadatkom ispitivanja postupka donošenja akta Službe za upravu geodetskih, imovinskopravnih poslova i urbanizma općine Zavidovići a u vezi problematike bivših radnika PD „Krivaja Mobil“ d.o.o. Zavidovići - u stečaju, imenovane Zaključkom Općinskog vijeća, broj: 01-01-1510/21-AP-8 od 30.07.2021. godine, da u roku od 10 (deset) dana dostavi Izvještaj o radu navedene Komisije kao i planirane aktivnosti u narednom periodu.

2. O realizaciji ovog Zaključka starat će se Stručna služba Općinskog vijeća

Stručna služba Općinskog vijeća je dostavila navedeni Zaključak predsjedniku Komisije.

Stručna služba Općinskog vijeća će po prijemu odgovora isti dostaviti na uvid.

5. VIJEĆNIČKA PITANJA VIJEĆNIKA MIRSADA BEČIĆ

1. Vijećnik Mirsad Bečić: Na osnovu člana 8. i člana 166. Poslovnika o radu Općinskog vijeća podnosim vijećnička pitanja koja glase:

1. Prije nekoliko mjeseci od strane vijeća donesen je zaključak da se formira komisija koja bi nas trebala informisati o mogućnosti kupovine Krivajine Vile.

Nismo dobili informaciju od strane formirane komisije te postavljam pitanje koje glasi:

- Dokle se došlo sa navedenim aktivnostima i kakav je status bivših zaposlenika IP Krivaje

- Koji je status imovine IP Krivaja nakon što je od strane Agencije za privatizaciju FBiH utvrđeno da je navedena privatizacija izvršena na nezakonit način.

Tražim da mi se odgovor saopšti usmeno ili pismenim putem.

Odgovor na dopunsko vijećničko pitanje (Odgovor je sačinjen od strane Stručne službe općinskog načelnika): Tim za vođenje pregovora za kupovinu Nacionalnog spomenika „Vila Krivaja“ održao je 25.01.2022. godine svoju 4. sjednicu, te će informacija o njihovom radu biti upućena Općinskom vijeću Zavidovići i biti razmatrana na februarskoj sjednici.

Status bivših radnika IP „Krivaja“ d.o.o. Zavidovići – u stečaju, odnosno bivših radnika PD „KRIVAJA MOBIL“ d.o.o. Zavidovići – u stečaju se može posmatrati kroz tri grupe radnika. Prvu grupu radnika čine radnici koju su stekli uslove za penzionisanje i koji pravo na penziju ne mogu ostvariti zbog neuplaćenih doprinosa. Za ove radnike doprinosi se uplaćuju u skladu sa odlukom Vlade Federacije Bosne i Hercegovine na način da se za radnike koji su stekli uslove za penzionisanje uplaćuju doprinosi sveke kalendarske godine. Ovaj postupak se provodi od strane Federalnog ministarstva za energiju, rudarstvo i industriju i IP „Krivaja“ d.o.o. Zavidovići putem javnog poziva. Nakon rješavanja određene grupe radnika tokom jedne

kalendarske godine na navedeni način, ponovo se pojavljuju novi radnici koji stižu uslove za penzionisanje zbog navršenih propisanih godina života za penzionisanje i postupak uplate doprinosa se stalno ponavlja svake kalendarske godine. Drugu grupu radnika čine radnici koji nisu ostavili pravo na penziju zbog nedovoljnog broja godina staža osiguranja, a nedostaje im manje od tri godine staža da steknu uslove za penzionisanje. Za takve radnike vrši se dokup staža putem Službe za zapošljavanje Zeničko-dobojskog kantona, Biro rada Zavidovići, do sticanja propisane dužine staža osiguranja za ostvarivanje prava na penzionisanje. Treću grupu radnika čine radnici koji su nezaposleni i ne mogu se svrstati u naprijed navedene dvije grupe, te je za ove radnike Vlada Federacije Bosne i Hercegovine planirala osigurati sredstva za jednokratnu pomoć u visini otpremnine koja im je trebala biti isplaćena od strane PD „Krivaja Mobil“ d.o.o. Zavidovići – u stečaju. Ova aktivnost nije okončana i predstavlja razlog nezadovoljstva radnika koji ovu pomoć trebaju ostvariti.

Status imovine IP „Krivaja“ d.o.o. Zavidovići koja je bila predmet privatizacije nije mijenjan u katastru nekretnina Općine Zavidovići, niti se vodi postupak promjena u katastru nekretnina koje su privatizovane zbog nezakonitog postupka privatizacije ove imovine.

2. Vijećnik Mirsad Bečić: Na prethodnoj sjednici Općinskog vijeća usvojena je Odluka o bezbjednosti saobraćaja na području općine Zavidovići te su time stvorene pravne pretpostavke za izgradnju novih taxi stajališta na području općine Zavidovići.

- Pitanje za nadležnu službu kada će se pristupiti izgradnji i obilježavanju novih taxi stajališta?

Tražim da mi se odgovor saopšti usmeno ili pismenim putem.

Odgovor na vijećničko pitanje (Odgovor je sačinjen na osnovu akta Služba za upravu privrede, lokalni razvoj, infrastrukturu i međunarodnu saradnju broj: 03-04-157/22-AP-4 od 24.01.2022. godine): S obzirom da je Pravilnik o broju i razmještanju taksistajališta, broju stajališnih mjesta za taksivozila, kategoriji taksistajališta i ukupnom broju taksivozila objavljen tek u „Službenom glasniku Općine Zavidovići“, broj: 01/2022, Općina Zavidovići će odmah pokrenuti postupak dodjele Ugovora o javnoj nabavci radova na izgradnji i obilježavanju novih taksistajališta u skladu sa Zakonom o javnim nabavkama i ustupit će izvođenje predmetnih radova najuspješnijem ponuđaču.

6. VIJEĆNIČKO PITANJE VIJEĆNIKA IGORA ŠIMŠIĆ

Vijećnik Igor Šimšić: Pozdravljam još jednom. Upućujem vijećničko pitanje na zahtjev građana u cilju informisanja, a tiče se stanja pri korištenju garaža u ulici 15. septembar u naselju Novo naselje. Naime, pojedini građani su bili korisnici u ugovornom odnosu sa Opštinom pomenutih garaža. Prema njihovim informacijama iste više ne koriste niti mogu da koriste, zapečecene su od ne znam kojeg organa i nemaju informacije, odnosno naznake o daljem korištenju, odnosno postupku daljeg korištenja. I samo molim nadležnu službu da nas informiše o stanju ove problematike. Hvala.

Odgovor na dopunsko vijećničko pitanje (Odgovor je sačinjen od strane Stručne službe općinskog načelnika): Općina Zavidovići je vlasnik 19 garaža, od čega je u posjedu 9 garaža dok je za 10 garaža pokrenut sudski postupak njihovog ispražnjenja i predaje u posjed. Općina Zavidovići je 2021. godine objavila Javni oglas za davanje 6 garaža u zakup, koji je bio objavljen na službenoj web stranici Općine Zavidovići, na oglasnoj tabli Općine Zavidovići, putem medija sa kojima Općina Zavidovići ima zaključen koprodukcijski ugovor i putem Dnevnog lista „Oslobođenje“. Po navedenom javnom oglasu nije podnesena niti jedna ponuda

za davanje u zakup garaže, te je postupak obustavljen. Također se planira početkom 2022. godine ponovo pokrenuti postupak davanja u zakup garaža jer postoje informacije o zainteresovanosti za izdavanje pojedinih garaža u zakup.

S poštovanjem

Dostavljeno:

1. Naslovu,
2. U spis.

OPĆINSKI NAČELNIK

Dr. sci. Hašim Mujanović

Obradio: _____
(Nermin Čahtarević)